

## Қазақстан Республикасының облыстары арасындағы су қатынастарын реттеу ережесін бекіту туралы

### ***Күшін жойған***

Қазақстан Республикасы Үкіметінің 2004 жылғы 9 қантардағы № 21 қаулысы. Күші жойылды - Қазақстан Республикасы Үкіметінің 2023 жылғы 29 желтоқсандағы № 1245 қаулысымен

**Ескерту. Күші жойылды - ҚР Үкіметінің 29.12.2023 № 1245 қаулысымен.**

Қазақстан Республикасының 2003 жылғы 9 шілдедегі Су кодексі 36-бабына сәйкес Қазақстан Республикасының Үкіметі қаулы етеді:

1. Қоса беріп отырған Қазақстан Республикасының облыстары арасындағы су қатынастарын реттеу ережесі бекітілсін.

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы  
Үкіметінің  
2004 жылғы 9 қантардағы  
№ 21 қаулысымен  
бекітілген

### ***Қазақстан Республикасының облыстары арасындағы су қатынастарын реттеу ережесі***

1. Осы Ереже трансшекаралық суларды қоспағанда, су объектісінің бассейні екі немесе одан да кеп облыс аумағында орналасқан жағдайдағы Қазақстан Республикасының облыстары арасындағы су қатынастарын реттеу тәртібін айқындайды.

2. Республика облыстары арасындағы су қатынастарын реттеу мақсаты халықтың, облыстар экономикасы салаларының қазіргі және перспективалық қажеттерін қанағаттандыру әрі бассейндегі қоршаған ортаның экологиялық орнықтылығын сақтау үшін облыстар арасында жер беті су ресурстарын бөлу жөнінде шаралар қабылдау болып табылады.

3. Республика облыстары арасындағы су қатынастарын реттеуді су қорын пайдалану мен қорғау саласындағы уәкілетті орган (бұдан әрі - уәкілетті орган) және оның бассейндік басқармалары су ресурстары мен су шаруашылығы теңгерімдерін кешенді түрде пайдалану мен қорғаудың бекітілген басты және бассейндік схемалары негізінде облыстар бойынша су тұтыну лимиттерін

белгілеу облыстық атқарушы органдардың ұсыныстарын ескере отырып, бассейндегі су ресурстарын ұтымды пайдалану әрі қорғау жөніндегі іс шаралар әзірлеу және оларды іске асыру жолымен жүзеге асырады.

4. Су объектілерін қалпына келтіру әрі қорғау жөніндегі іс-шараларды іске асыру, су объектісінің бассейні шегінде орналасқан бассейндік басқармалар, жергілікті атқарушы органдар мен басқа да субъектілер арасында бассейндегі су қорын пайдалану мен қорғау саласында туындаған проблемаларды шешу мақсатында оның шенберінде бассейндік кеңес қырылатын бассейндік келісімдер жасалады.

5. Бассейндік келісімдерде проблемалық мәселелерді шешу және оларды орындау мерзімі көрсетіліп, нақты су қорғау іс-шараларын іске асыру үшін қажетті күштер мен құралдарды біріктіру жөніндегі тараптардың ниеті қамтылады.

6. Облыстық атқарушы органдар бассейндегі су қорын пайдалану мен қорғау саласында облысаралық маңызы бар проблемалық мәселелер туындаған кезде оларды тиісті бассейндік кеңестің қарауына енгізеді.

7. Бассейндік кеңес ұсынылған проблемалық мәселелерді қарап, су қатынастарын реттеу жөнінде ұсынымдар әзірлейді, олардың негізінде су қорын пайдалану мен қорғау саласындағы уәкілетті орган және жергілікті атқарушы орган бассейннің су объектілерін дамыту, қалуына келтіру және қорғау жөнінде жыл сайын жоспарланатын бағдарламаларда, ғылыми және жобалық әзірлемелерде туындаған мәселелерді шешу үшін іс-шаралар көздейді.